

SO WHAT

What is the relevance of the Word to my life?

- Papaano mo kinikilala ang Diyos bilang ganap na pinuno ng iyong buhay?
- Papaano ka naging mabuting tagapangalaga ng kalikasan?
- Gaano ka naging tapat sa pagsunod sa mga taong nilagay ng Diyos upang mamuno sa iyo (ama, ina, asawa, mga *boss*, atbp.)?

NOW WHAT

How do I apply the Word to my life?

- Sa paanong paraan mo mas makikilala ang awtoridad ng Diyos sa iyong buhay? Anong mga praktikal na hakbang ang naiisip mo upang maisabuhay ito at kailan mo ito sisimulan?
- Papaano ka magiging mas mabuting katiwala ng kalikasan ngayong linggo? Ano pa ang pupwede mong gawin upang mapangalagaan ang mga nilikha ng Diyos?
- Papaano mo mabibiyayaan ang iyong mga magulang, asawa, at iba pang awtoridad sa iyong buhay ngayong linggo?

PRAYER

- Manalangin na bigyan ka ng karunungan at direksiyon ng Diyos sa mga gagawin mong pagpapasya.
- Humingi ng pagkakataon sa Diyos upang maging mabuting katiwala ng kalikasan at hikayatin ang iba na gawin din ito.
- Magdasal para sa mabuting pangangatawan, karunungan, at biyaya para sa mga awtoridad na inilagay ng Diyos sa iyong buhay.



VICTORY

Honor God. Make Disciples.

Karapatang Pag-aari © 2011

Pinahihintulutan ang pagkopya ng lathalaing ito na galing sa Victory® para sa kagamitan ng lokal ng simbahan.

Ito ay hindi pinagbibili.

victory.org.ph

FILIPINO

Blueprint
Discovering God's Intended Design

Nasa Pangunguna
Week 3

NOTES

CONNECT

- Ano ang ibig sabihin ng iyong pangalan? Sinong nagbigay sa iyo nito?
- Ikwento ang panahong pinangunahan mo ang isang grupo upang gawin ang isang mahirap na proyekto. Papaano mo hinarap ang situwasyong ito?
- Sino ang iyong *boss*? Anong katangian ng kanyang pamamahala ang hinahangaan mo sa kanya?

WORD

²⁰Kaya pinangalanan ng tao ang mga hayop na nakatira sa lupa pati ang mga hayop na lumilipad. Pero para kay Adan, wala kahit isa sa kanila ang nararapat na maging kasama niya na makakatulong niya. . . . ²²Ang tadyang na kinuha ng Panginoong Diyos sa lalaki ay nilikha niyang babae, at dinala niya sa lalaki. ²³Sinabi ng lalaki, “Narito na ang isang katulad ko! Buto na kinuha sa aking mga buto, at laman na kinuha sa aking laman. Tatawagin siyang ‘babae,’ dahil kinuha siya mula sa lalaki.”

Genesis 2:20,22,23

WHAT

What does the Bible say?

Ang pagbibigay ng pangalan sa mga tao o bagay ay nagpapakita ng awtoridad at gawain ito ng mga pinuno sa Lumang Tipan (Genesis 32:24-29). Sinimulan ito ng Diyos nang pinangalanan Niya si Adan. Ipinasa Niya ang gawaing ito sa taong Kanyang nilikha. Pinapakita nito ang daloy ng pamumuno at importanteng malaman natin ito kung gusto nating malayo sa kaguluhan. Intindihin pa nating lalo ang pamumuno at ang ating bahagi rito sa pag-aral ng tatlong pagpapangalang naganap sa Genesis.

- **Pinangalanan ng Diyos ang Kanyang mga nilikha at si Adan.**

Tinawag niyang “araw” ang liwanag, at “gabi” naman ang kadiliman. Lumipas ang gabi at dumating ang umaga. Iyon ang unang araw.

Genesis 1:5

(Basahin ang buong Genesis 1.)

Nilikha ng Panginoong Diyos ang tao mula sa lupa. Hinihangahan niya sa ilong ang tao ng hiningang nagbibigay-buhay. Kaya ang tao ay naging buhay na nilalang.

Genesis 2:7

Lumikha ang Diyos sa pamamagitan ng Kanyang salita. Sinabi Niyang magkaroon nito at nangyari naman ito. Pinangalanan Niya ang mga nilikha at nakilala natin ito sa ganoong pangalan. At ginawa ng Diyos na pamahalaan ng tao ang Kanyang mga likha. Ang pagpapangalan ng Diyos sa mga nilikha at kay Adan ay nangangahulugang Siya ang pinagmumulan ng lahat ng awtoridad. Dahil dito, papaano tayo dapat tumugon sa mga taong itinalaga ng Diyos na mamuno sa atin?

- **Pinangalanan ni Adan ang mga nilalang.**

Kaya pinangalanan ng tao ang mga hayop na nakatira sa lupa pati ang mga hayop na lumilipad. . . .

Genesis 2:20

Pinangalanan ng tao ang mga nilalang ayon sa utos ng Diyos sa kanya at pinapakita nito ang pamumuno niya sa lahat ng nilikha ng Diyos. Ginawa siyang tagapamahala ng Diyos sa lahat ng mga nilalang (Genesis 1:28). Kailangang makita sa pamumuhay ng mga tagasunod ni Kristo ang mabuting pangangalaga sa kalikasang ipinaubaya ng Diyos. Anong mga praktikal na hakbang ang magagawa natin upang maisabuhay ito?

- **Pinangalanan ni Adan si Eva.**

Sinabi ng lalaki, “Narito na ang isang katulad ko! Buto na kinuha sa aking mga buto, at laman na kinuha sa aking laman. Tatawagin siyang ‘babae,’ dahil kinuha siya mula sa lalaki.”

Genesis 2:23

Ipinapakita ng pagpangalan ng lalaki sa babae na siya ay kanyang katuwang. Dapat na pangunahan ng lalaki ang babae sa mabungang paggawa sa lupang ipinaubaya ng Diyos sa kanila. Ang pagpangalan ni Adan sa kanyang asawa bilang “Eva,” (Genesis 3:20) ay nagpapakita na ibinigay sa kanya ang pamumuno sa pamilya, hindi lamang sa kanyang asawa kundi pati sa kanilang mga anak. Papaano natin kikilalanin ang awtoridad ng mga lalaking nilagay ng Diyos upang pamunuan tayo?